

# ДЬУЛУРБАН



түһүлгэ дуораана

## Хапсабай аан дойдуга хардыылаата

А тырдах ыйын 24–25 күннэригэр Кыргызстан киин куоратыгар Бишкеккэ, саха төрүт көрүнгэр, хапсабайга Аан дойду бастакы чемпионата ытылынна. Бу дьонун тэрээһин саха спорка историятын кэрэ бэлиэ түгэнинэн буолар.

Бастакы чемпионатка Европа, Азия, Хотугу Америка, Африка уонна Океания континенттарыттан барыта 92 спортсмен кэлэн хапсабайга күүһүн холосто. Бары да күөн көрсүү араас көрүнгэр балачча ситиһиилээх, тустууга үөрүйэхтээх дьон диэххэ сөп. Оттон Россия хамаандатын аатын Саха сирэ, Бурятия, Тыва, Алтай, Татарстан 24 бөҕөһө көмүскээтэ.

Чемпионатка кытыннылар: Азербайджан, Беларусь, Болгария, Египет, Финляндия, Индия, Иран, Италия, Казахстан, Кыргызстан, Македония, Монголия, Румыния, Россия, Турция, АХШ, Узбекистан, Ливия, Грузия бөҕөстөрө.

Күрэхтэһии эр дьонно алта ыйааһынна ытылынна уонна 75 диэри, 75-тэн үөһэ кг ыйааһыннарга мунутуур кыайыылаахтары быһаарар түһүлгэлэр тэрилиннилэр. Мунутуур кыайыылаахтар 3000 доллар харчынан, сиздэрэй онгоһуулаах чемпионнар курдарынан уонна бриллианнаах мэтээллэринэн наҕараадаланнылар. Ыйааһыннарга бастаабыттар



500, иккистээбиттэр 300, үһүс буолбуттар 200 доллар харчынан бэлиэтэннилэр.

Икки күннээх хапсыһыылар кэннилэриттэн биэр дойдутаахтарбыт **Пантелеймон Николаев, Петр Константинов, Тимур Николаев, Роман Николаев, Николай Николаев, Никита Хабаров** хапсабайга аан дойду бастакы чемпионатын кыайыылаахтарынан буоллулар.

“Мунутуур кыайыылаах чөмпүйүөн аатын атын омук бөҕөстөрө ылбыттара куһаҕана суох, итинэн саха хапсабайыгар болҕомто аан дойдуга күүһүрэр, суон сурабырар. Биһиги уолаттарбыт алта ыйааһынна бастакы, иккис, үһүс миэстэни ылан, үөрүүбүт улахан. Чаҕылхай киришилэр буоллулар, бөҕөстөрбүтүгэр күүстэрин харыстаабакка, олус бэркэ хапсабай албаһын көрдөрбүттэригэр махтанабын! Биһиги түмүүллээх, үрдүк культуура-ралаах омук буоларбытын көрдөрөн кэлибит”, — диир аан дойдутаабы бастакы чемпионаты иилээн-саҕалаан тэрийбит Хапсабайга аан дойдутаабы федерация президентэ **Вячеслав Нестеров**.

Бэлиэ тэрээһин ангардас хапсыһыынан эрэ мунурдаммата, Кыргызстанна тийээн саха омук культуурата, үгэһэ, олоҕо

көрдөрүлүннэ. Ол курдук, Клавдия, Герман Хатылаевтар саллар “Добун” этно-бөлөхтөрө, ырыаһыт Лэгэнтэй, хомусчут Дүрүүйэнэ саха тыһын биллэрэн киэн туттууну үөскэттилэр.

Чемпионнаабыт Роман Николаев эбээтэ **Варвара Петровна Николаева**: “Күрэхтэһии үрдүк таһымна ааста. Саха буоларбытынан өссө киэн туттунубут, хапсабайбыт аан дойду таһымыгар табыста. Араас омук дьоно хапсабай диэн тылы сангаралара истиэххэ да кэрэ эбит. Биһиги 5 кэрэ ангар билсир охсоммут, уолаттарбытыгар ылдыан, былаахпытын тэлимнэтэн, ыһытаан-хаһытаан көмө буолубут. Бырабыыталыстыбабыт салайааччытын солбуйааччы **С.В. Местников** күрэхтэһии бүтүтүн кэннэ кэлэн махтаммыта элбэри да этэр. Атын омуктар: “Ка-

кие офигенные болельщицы, вот почему у них ловкие хапсагаисты”, — диһилэр. Инники өттүгэр бырабыыталыстыбабыт өссө улахан болҕомто ууран, хапсабайбыт сайда турдун! Аныгы күрэхтэһиигэ Аан дойду мунутуур кыайыылаабын Саха буоллун!

Сизэммит Рома чөмпүйүөн үрдүк аатын ылбытыттан олус долгуйдубут, киэн туттунубут. Утум салҕана турарыгар баҕардыбыт. Комментар А.В. Васильев-Көрдүгэн Рома эһэтин Леонид Николаевы билиһиннэрбитигэр саалаба ытыс тыаһа хабылынна. Эбэрдэ бөҕөтүн туттубут, хаартыскаҕа ыңыран түһүстүлэр. Саха норуотун хапсабайга чэчири сайда турдун!

Бастакы чемпионат ситиһиилээхтик түмүктэннэ, хапсабай аан дойдуга сүрэхтэннэ. Аны эһиилги чемпионат Дьокуускайга ытыгыллара былааннанар.

Петр ПАВЛОВ.



### Чемпионат түмүк көрдөрүүтэ

**57 кг (10 кыттааччы):** 1. Пантелеймон Николаев, 2. Егор Находкин (иккиэн Россия, Саха сирэ), 3. Аким Куулар (Россия, Тыва), 3. Родион Асканак (Россия, Алтай).

**65 кг (12):** 1. Петр Константинов, 2. Сергей Николаев, 3. Кирилл Павлов (үһүн Россия, Саха сирэ), 3. Беккасил Жангабай (Казахстан).

**75 кг (16):** 1. Тимур Николаев, 2. Иван Семенов (иккиэн Россия, Саха сирэ), 3. Сангади Ульзетуев (Россия, Бурятия), 3. Исламбек Орозбеков (Кыргызстан).

**75-кэ диэри кг, мунутуур кыайыылаабы быһаары (40):** 1. Сандан Гармаев (Россия, Бурятия), 2. Тимур Николаев (Россия, Саха сирэ).

**85 кг (16):** 1. Роман Николаев, 2. Константин Власов, 3. Аян Петров (үһүн Россия, Саха сирэ), 3. Михаил Болганов (Россия, Хакасия).

**95 кг (18):** 1. Николай Николаев, 2. Максим Толмачев, 3. Дьулустан Калачев (үһүн Россия, Саха сирэ), 3. Артыш Ооржак (Россия, Тыва).

**95-тэн үөһэ кг (20):** 1. Никита Хабаров, 2. Даниил Иванов (иккиэн Россия, Саха сирэ), 3. Аюр Нимаев (Россия, Бурятия), 3. Самдан-Демир Хайа (Россия, Тыва).

**75-тэн үөһэ кг мунутуур кыайыылаабы быһаары (34):** 1. Амгаланбаатар Нямсүрэн (Монголия) 2. Дьулустан Калачев (Россия, Саха сирэ).

манчаары оонньуутун көрсө

# Өрөспүүбүлүкэ өттүттэн болжомто улахан

Успуорт улахан түһүлгэтэ, XXII төгүлүн ытыгылар «Манчаары оонньуулары» эһиил от ыйын 1–6 күннэригэр Тааттаҕа буолар. Оонньууларга бэлэмнэни үлэтэ улууспут хас биридди олохтообун долгутар.

Соторутааҕыта Саха Өрөспүүбүлүкэтин физическэй култуураҕа уонна успуорка министриин эбээһинэһин толорооччу **Гаврил Мохначевский**, «Модун» успуорт комплексын дириэктэрин эбээһинэһин толорооччу **Иван Борисов**, ону тэнгэ успуорт министриэтибэтин тутуу үлэһиттэрэ кэлэн үлэлээтилэр. Бөлөх Октябрьскай нэһилиэгэр успуорт модульнай саалата тутуулары матырыйаала барыта бэлэмнэнэн сытарын көрдө. Салгыы Боро-булга аһаҕас дьобус стадион

миэстэтин, Ытык Күөлгэ оонньуулар ытыгылаахха тутуулар турар сүрүн эбийиэктэри, кыттааччылар, ыалдьыттар түһэр-хонор сирдэрин туругу кытта биистилэр, бүгүнгү күнүгэ төһө бэлэмнээхпитин, туох үлэ бара турарын, туох ситэриллээхтэбин көрдүлэр-иһитилэр.

Гаврил Мохначевский оонньууга бэлэмнэни бары эйгэтин хабаан, култуура бырагырааматын, туристическай маршрут, пресс-киин үлэтин, агрибутика сөбүлэһитин о.д.а

ыйытыгыларга ымыпкытаан-чымпыктаан сүбэтин-соргутун эттэ: «Оонньууну бэлэмнииргэ дирекция тэриммикит сөптөөх суол. Үлэ болдохторун сөпкө туруоран, биир да хайысхаҕа үлэ хаалымыан наада. Кыһалҕа үөскээтэбин, тутта дьүүлгэ таһааран кэмгэр быһааран иһиэххэйин», — дитэ.

«Манчаары оонньуулары» бэлэмнииргэ дирекция салайааччыта **Петр Захаров** иһитиннэрбитинэн, барыта 21 хамыһыһа тэриллибит, ыалдьыттары түһэр-хонорор эбийиэктэргэ өрөмүөн бара турар.

Таатта нэһилиэгин баһылыга **Егор Павлов** Амма улууссатын суолун оноруутун, Өксөкүлээх Өлөксөй болуоссатын тупсарытын туһунан эттэ, көбөрдүү уонна ырааһырды кыһалҕата

син биир сытыгытык турарын бэлиэтээтэ. Оттон Октябрьскай нэһилиэгин баһылыга **Андрей Семенов** модульнай успуорт саалатын тутуутугар графиктан хаалыы баарын, нэһилиэк дьоно түмсэн, федеральнай суол кытыгытыгар өссө субуотунньук-туохтарын эттэ, оонньуу буолар кэмгэр ыалдьыттары таһар маршрутнай автобус сырыгытын туруоруоста.

Таатта улууһун баһылыга **Айаал Бурцев**: «Улууспутугар өрөспүүбүлүкэ өттүттэн болжомто улахан: үп-харчы көрүүтүгэр даҕаны, үлэ хаамытын билсиигэ даҕаны. Аҕыйах күн иһигэр СӨ Бырабытталыстыбатын бастакы солбуйааччы **Дмитрий Садовников** икки министриэтибэни кытта, ол кэннэ инновация министриэ **Василий Ефимов** кэлэн

бардылар. Улууспут хас биридди олохтооҕо ытыгылаахха оонньууну инники күөнгэ туруоран, тэнгэ үлэлээн-хамсаан, таһымнаах оонньууну ытыгылаахпыт», — дитэ.

Ману таһынан улуус баһылыга **Манчаары** пуондатын салайааччытынан **Клавдия Протопопова** анаммытын билиһиннэрдэ. Түгэнинэн туһанан, **Сардаана Кононова** салайааччылаах улуустаагы киин балыһа пуондаҕа харчы туттарыгытыгар биир бастын көрдөрүүлээбин, ити саҕабыллаах салайааччытынан быһаччы тутулукааҕын тоһоҕолоон бэлиэтээтэ, итиэннэ атын тэрилтэлэргэ холобур буолабыт диин махтанна.

**Наталья ГРИГОРЬЕВА.**  
Таатта, Ытык Күөл.

санаа ситимэ

## Олимпиада – олимпиецтарга эрэ буолбатах

Уопускабытыгар Байкалга «Култушная» диэн сынныалан базатыгар баран кэлибит. Сырыгыты Парижка ытыгылаабыт XXXIII сайынны Олимпийскай оонньуулар кэмнэригэр сөп түбэспитэ.



Биһиги Саха сириттэн отучча киһи буолан, бары биригэ тутуһан сырыгытыбыт. Бары да чэгиэн-чэбдик олоххо кырдыһар, бэйэ до-руобуйатыгар кыһаллар дьон.

Көңүл тустууга **Виктор Рассадин** Греция уонна Кытай тустууктарын хайдах курдук кыайталаабытын көрөн, бары сүрдээбин астыммышыт, сүргэбит көтөҕүллүбүтэ. Ол үөрүүлээх түгэн долгунугар оҕустаран, салайааччыбыт, «Путь к собственному здоровью» бырайыак салайааччыта, педагогическай наука кандидата, психолог, консультант **Александра Егоровна Ушницкая** көбүлээһининэн Олимпиада туһунан тутта лекция онорон, дьоммор сырдаппытым, кэпсээбитим, Саха сириттэн бу оонньууларга биэс спортсмен кыттарын киэн тутта иһитиннэрбитим. Ити кэмнэ тустууктар **Георгий Окороков**, **Айаал Лазарев**, **марафонец Сардаана Трофимова** өссө күрэхтэһэ иликтэрэ.

Дьэ, итинтэн ыла күн айы спорду сэнээрээчилэргэ бэйэбит спортсменнарбыт хайдах кыттан иһэллэрин сонун быһыытынан кэпсээн-иһитиннэрэн испитим. Бары түмсэн **Виктор Рассадин** тустуутун, **Сардаана Трофимова** сүүрүүтүн көрбүспүт, бэйэбит спортсменнарбытыгар ыалдьыбышыт. Ити курдук, Олимпиада барыбытын түмүтэ.

Аны туран база дьаһалтатын дьэтигэр теннис-

тиир остуол баарыгар, күрэхтэһи тэрийбиһит. Барыта аҕыс киһи суруттаран кыттыбыта. Бары да сыһыаннаах дьон эбит. Онон сыты оонньуулар буолбуттара. Күрэхтэһи түмүгүнэн **Дьокуускай** куорат 20 №-дээх орто оскуолатын үлэһитэ **Светлана Кириллова** бастаабыта. Иккис миэстэни сынныанар бөлөх салайааччыта **Александра Ушницкая** ылбыта. Оттон үһүс бириистээх миэстэҕэ **Дьокуускайдаагы Медикин** үлэһитэ **Зинаида Куприянова** тахсыбыта.

Кыайыылаахха **А.Е. Ушницкая** олохтообут өйдөбүннүк бириһэ туттарыллыбыта. Ити курдук, биһиги сынныаланмытын көхтөөхтүк атааран, бары да сэргэхсийбиһит, астыммышыт. Бу тэрэһиннэрбит «Олимпиада — олимпиецтарга эрэ буолбатах» диэн девизинэн салайтаран ытыллыбыта.

**Александра Егоровна** Ушницкая чэгиэн-чэбдик олобу тарҕатааччы инструктор буоларын быһыытынан Саха сирин дьонун анаан бу базаҕа мунһан, сынныалангы уонна бэйэ до-руобуйатын бөбөрөгөтүүнү бэркэ тэрийбитигэр улахан махтал! Ол курдук, «Култушнайга» сырыгытыгар хас күн айы киһи көбүлээһининэн сэрээккэлэр, эрчиллилэр, сөгүөлээһиннэр, култуурунай сынныалан тиһигин быспакка ытытыллылар.

**Петр ПАВЛОВ.**

бэлиэ түгэн

## Үтүө киһиэхэ үйэлээх өйдөбүннүк

Саха Өрөспүүбүлүкэтин Национальнай библиотекатын устуоруйаҕа саалатыгар үгэс быһыытынан сэргэх тэрээһин буолан ааста. Куттал суох буолуутун сулууспатын отставкаҕа полковнига, Саха сирин норуотун хаһаайыстыбатын үтүөлээх үлэһитэ, Чурапчы улууһун Алабар нэһилиэгин бочуоттаах олохтооҕо, успуорт бэтэрээнэ **Сергей Васильевич Лыткин** сырдык аатыгар анаммыт санга бэчээттэнэн тахсыбыт кинигэ сүрэхтэниитэ буола.

Кинигэ халын тастаах, элбэх ахтыылаах, **С.В. Лыткин** олобун бары кэрчиктэрин хабар аҕыс түһүмэхтээх, элбэх сэдэх хаартыскалардаах өйдөбүннүк быһыытынан «Сайдам» тэрилтэҕэ бэчээттэнэн тахсыбыт.

Былырын олохтон тураабыт киһини кэриэстээн, киниэхэ сүгүрүйэн бу тэрээһингэ элбэх киһи муһунна — биир идэлээхтэрэ, биир дойдулаахтара, биригэ төрөөбүттэрэ, аймахтара, успуорт бэтэрээннэрэ... Көрсүһүү хаһан баҕарар буоларыны, истин быһыыга-майгыга барда.


**Сергей Васильевич** олобун, үлэтин туһунан элбэх ахтыы онорулунна. Ол курдук, Куттал суох буолуутун сулууспатын бэтэрээнэ **Афанасий Кириллин**, СӨ норуотун хаһаайыстыбатын үтүөлээх үлэһитэ **Василий Сорокоумов**, СӨ үтүөлээх юриһа **Игорь Николаев**, спорт үтүөлээх маастара **Степанида Артахинова**, Алабар нэһилиэгин баһылыга **Иван Окочешников**, РФ, СӨ үтүөлээх бырааһа **Вячеслав Александров**, СӨ култууратын үтүөлээх үлэһитэ **Семен Протодьяконов**, Монреаллааҕы Олимпиада үрүн көмүс призера **Александр Иванов** у.д.а. **Сергей Васильевич** киһи, доҕор, үлэһит быһыытынан майгытын, олоххо сыһыанын, көрүүлэрин туһунан истинник аҕыннылар. Кинилэр бары биир киһи кур-

дустууга спорт маастара **Гаврил Каприн** ыһыгыт эбэрдэлэрэ ааҕан иһитиннэрилиннэ.

Тэрээһин кыттыылаахтара кинигэни бэрт кылгас кэм иһигэр онорон, бэчээттэтэн таһаартарыт **С.В. Лыткин** кэргэнэ **Александра Петровна Лыткина** уонна **С.В. Лыткин** биригэ төрөөбүт быраата **Валерий Васильевич Лыткин** хаһан да сүпсэт-симэлийбэт кэриэстэбил үтүө өйдөбүннүгү күн сирин көрдөрбүттэригэр махталларын биллэрдилэр.

Үтүө киһи, истин доҕор, бүгүрү үлэһит **Сергей Васильевич Лыткин** аатын үйэтиги өссө салбанар. Кинигэ сүрэхтэниитигэр эппитэрин курдук, аны сотору кэминэн төрөөбүт Алабарыгар (Чыаппараҕа) **С.В. Лыткин** пааматынныга туруоҕа.

«Дьулурҕан».





кэпсиэхтин баҕарабын

## Коркин маанылаан илдьэ сылдыбыт уола



Ким эрэ туһунан сииһилии суруйуоххун баҕарар буоллаххына, дьоруойун туһунан хайаан да үөрэтэн билиэхтээххин, кини төрдүн-ууһун, дьоннорун, өбүгэлэрин, төрдүлэрин-уустарын хайаан да билиэххин наада. Дьэ, ити сылбын ситиһэр баҕа санааттан, эрдэтэн былаан оностон, быйыл сайын биир үтүө күн, Алексей төрөөбүт дойдутугар Төнүлүгэ тийэн, кини өбүгэлэрэ олохсуйбут сирдэригэр, ийэлээх аҕата олохсуйбут алаастарыгар, ыал буолан олон үлэлэн-хамсаан олохсуйбут дойдуларыгар, Доллу нэһилиэгин Нөмүгү уонна Бэрдигэстээх дьон алаастарыгар тийэр сылдьан, олохтоох саастаах дьону кытта көрсөн, атах тэпсэн олон кэпсэтэн, ирээ-хоро сэнэргэһэн, элбэҕи сииһилии билэн кэллим.

Сэттэ оҕо тулаайах хааланнар, огдообо аҕалара оҕолорун барыларын иитэр кыаҕа суох буолан, аҕыйах ыйдаах кыра кыыстарын **Тоняны** уонна кыра уолу **Алешаны** оҕо дьэтигэр ииттэрэ ытарга күһэллбиттэр. Кыра кыыһы Бүлүүгэ, оттон Алешаны Өлүөхүмэ оҕо дьэтигэр ыыппыттар. Онно тийэн Алеша төрдүс кылааска диэри Токко нэһилиэгэр оҕо интэринээт-оскуолатыгар үөрэнэр.

## Коркин оскуолатыгар уһарыллы

Ол кэнниттэн Төнүлү интэринээт-оскуолатыгар олон бэһис кылааһы бүтэрбитин кэннэ, 1973 сыллаах күнү үөрэх саҕана **Рома Цыпандины, Егор Борисовы, Тима Баншевы, Митя Сорокины** уонна Алешаны улахан убайа **Стручков Михаил Романович**, оччолорго физкультурна учуутала, Чурапчытааҕы тустуу оскуолатыгар илдьибит. Ол түгэни Алексей манньк ахтар: «Тийбиһпит **Дмитрий Петрович Коркин** оҕолору дьарыктыы сылдьар этэ. Биһигини

ыныран ылан, барыбытын үөһө өттүбүтүн сыгырныахтаан, эргитэ-урбата сылдьан көрбүтэ, эппитин-сииммитин тутан-хабан ырыналаабыта уонна туһунан көрбүтэ. Ол кэмнэ мин саамай кырала, хачайы көрүннээх этим. Атын уолаттары көрөн баран тутатына хаалларыбын дьэбитэ, минигин иһигэр улаханньк астыммата быһыылааҕа — тугу да сангарбатаҕа. Кэлин убайым кэпсэтэн хаалларда быһыылааҕа. Онон улуу тириэньэргэ тустуунан эрчиллэ хааларыбытыгар убайбар **Михаил Романовичка** махталым мунура суох!».

Онон 1973 с. Алеша 6-с кылааска Чурапчы интэринээт-оскуолатыгар үөрэнэр буолбута. Бу оскуола тийэн Д.П. Коркин салайытын тустуунан утумнаахтык дьарыктаабыта. Сыйабаайа тустууга ситиһилэр кэлэн испиттэрэ. Ол курдук, Алеша Новосибирскай куоракка тийэн Дальнай Восток уонна Сибирий зонатыгар оҕолорго тустан бастакынан чемпион аатын ылан кэлбитэ. Ити курдук оскуола сылларыгар араас күрэхтэниилэргэ олус ситиһилээхтик тустан киирэн барбыта.

Сэттис кылаас кэнниттэн **Дмитрий Петрович** аҕыйах уолу талан ылан, сайын биир ый устата хаалларан, бэйэтэ дьарыктаабыта. Ол кэмнэ Хабаровскайдааҕы физкультурнай институт устудьуона **Анатолий Николаевич Константинов** сайынны сынньалангар **Дмитрий Петровичка** кэлэн көмөлөһө сылдьар этэ.

«Күннэ үстэ эрчиллэр этибит, күн айыы 10 км сүүрүбүт, спортивнай снарядтарга күүспүтүн хачайданарбыт, хайдах туран албас оноһууларын уонна тустуу хамсаныыларын быһааран биэрэрэ, кизэтин бэйэтин кыра хонугар киллэрэн кини көрдөрөрө. Наһаа сылайарбыт, үксүн дьэтигэр илдьэн аһатара», — дьэ Алексей ити сайын күүстээх эрчиллини барытын бэлэттэн кэпсиэр.

Онтон ити күнүн Д.П. Коркин Махачкала куоракка **Али Алиев** оскуолатыгар талан ыл-

**А**лексей балажан ыйын 14 күнүгэр 1959 сыллаахха Мэнэ Хангалас оройуонун Доллу нэһилиэгэр төрөөбүт. Ийэтэ **Куличкина Анна Иннокентьевна**, олох эдэр эрдэбиттэн холкуос пиэрмэтин ыарахан үлэтигэр эриллэ сылдьан, тымныйан ыалдьан бу олохтон эрдэ бараахтаабыт...

быт уолаттарын (**Керемьясов Валера, Кульбертинов Коля, Синцев Вася, Васильев Аркадий, Скрябин Сергей, Борисов Борис** уонна **Алеша Стручков**) илдьэн ый анаара эрчилиги сырытыннарбыта. «*Али Алиев хаста да кэлэн дьарыктаспыта. Бүтүүтүгэр Дагестан чемпионатыгар тустубуттун. Онно Валера Керемьясов, Коля Кульбертинов, Аркадий Васильев уонна мин ыйааһыммытыгар бастаабыт. Итиннэ көстүбүтэ, биһиги сайын хаалан эрчиһибит түмүктүт. Онон ол сайынны дьарык түмүгүн Дмитрий Петрович сыаналаабыт буолуохтаах. Билигин өйдөөтөххө, оҕолору эрдэттэн талар эбит, ити уолаттар бары эрдэ ССРС спордун маастара буолбуттун*», — дьэ Алексей санаатын аһаҕастык этэр.

## Бастынар кэксэлэригэр

Алеша оскуола үөрэнэ сылдьан Аҕа дойдуну көмүскүүр сэри дьоруойа, генерал **Карбышев** чизингэр Белоруссияга Гродно куоракка ытыгылар Бүтүн Союзтаагы турнирга ситиһилээхтик тустубута, ССРС устуурдун маастарын толорбута. Бу оскуола оҕолорун ортоугар улахан ситиһии этэ.

Алеша саамай табыллан тустубут түһүлгүгэр — Минскэй куоракка **Александр Медведь** бириһигэр норуоттар икки ардыларынаагы турнирга — тириэньэр **Михаил Степанович Скрябин** салалтатынан күрэхтэспитэ, алтата тустан, утарсааччыларын барыларын ыраастык кыайталаан, «Бастың техникатын иһин» дьэ анал бириһи ылбыта. Кини тустуутун көрөн баран ССРС сүүмүрдэммит хамаандатын сүрүн тириэньэр **Иван Сергеевич Ярыгин** «Советскай спорт» хаһыакка интервьютугар: «*Открытием турнира является Алексей Стручков из Якутии — будущая замена Романа Дмитриева*», — дьэ урдүктүк сыаналаабыта. Кэлин ол хаһыаты ааҕан баран олус соһуйбутум дьэ Алексей билигин үөрэ кэпсиэр.

1985 сыллаахха Орджоникидзе куоракка РСФСР чемпионата буолбута. Бу күрэхтэниигэ аатырбыт тустууктардаах Хотугу Осетия киин куоратыгар, Россия уобаластарын, кыраайдарын уонна автономнай өрөспүүбүлүкэлэриттэн барыта 200-тэн тахса чулуу бөбөстөр кэлэн тустубуттара. Манна бастаабыт уонна миэстэлэспит тустууктар салгыы сайын Дьокуускай куоракка ытыгылар ССРС чемпионатыгар кыттар ыраабы ылыахтаахтара. Ол иһин ыйааһын аайы хабыр хапсыһылар, күүстээх киирсиллэр буолбуттара.

Итинник улахан эппиэттээх түһүлгүгэ Уус Алдан оройуонун «Лена» соһуос тутууга маастара, устуурт маастара **Алексей Стручков** 48 кг, Чурапчытан тириэньэр, бу иннинээҕи Рос-

сия чемпионаттарыгар иккис уонна үһүс буола сылдыбыт, устуурт маастара **Василий Алексеев** 52 кг ситиһилээхтик тустаннар, иккин кыһыл көмүс мэтээллэринэн наҕараадалаабыттар.

Дьокуускай куоракка ытыгылыахтаах ССРС чемпионата бу тийэн кэлбитэ. Бу чемпионатка Саха сиригэр сүүмүрдэммит хамаандатын бэлэмнэни сбора Мэнэ Хангалас Төхтүгүгэр буолбута. Бу кэмнэ соһуос дириэктэринэн **Михаил Семенович Санников** үлэтир, инньэ гынан тэрээнин боһуруостара, аһылык хааччылыгыта уонна эрчиллэр усулуобуйа барыта олус үчүгэй этэ.

Ол да буоллар, бу күрэхтэниигэ Алексей бэлэмэ төһө да үчүгэй буоллар, кэксэ бириһинэлэр баар буоланнар, кыабын ситэри туһунан тустубатаҕа. Ити туһунан кини миэхэ сонньуйан олон кэпсэбитэ. Итинник соччото суох түгүннэр, көбүөр тула кэпсэтиилэр тустуук олоһор баар буолаллар эбит. Итинтэн сылтаан Соһуос чемпионатын кэнниттэн Алексей тустуутун тохтошута уонна дойдутугар Төхтүгүгэ эрчимнээхтик үлэтин саҕалаабыта.

## Бөтүрүөбүс этиитин быһа гыммакка

Алексей кытта дьэтигэр чэйдий олон, кини ханнык хаачыстыбатын ордук сыаналыытын уонна сөбүлүүтүн дьэ ыйытыбар: «*Чизинэй, үлэһит, дьулуурдаах уонна ыарахаттартан толлубат дьону сөбүлүүбүн*», — дьэ.

«*1977 сыл Чурапчы спортивнай интэринээт-оскуолатын онус кылааһы бүтэрэбитигэр, Дмитрий Петрович дьэтигэр ыныран аһата олон, салгыы ханна үөрэнэ барарбытын ыйыталаспыта. Онно мин Фрунзе куоракка инженер-механик үөрэбэр барар санаалаахпын этиитим. Ону истэн баран Бөтүрүөбүс: «Баҕарбатабым да иһин, Дьокуускайга үлэһит киирэр буоллум, онно даҕаны эйиэхэ сөптөөх үөрэх баар ини, үчүгэйдик толкуйдан», — дьэбитэ.*

Онон тириэньэрим этии-

тин быһа гыммакка, Саха государственнай университетыгар инженерно-технической факультэка баҕам хоту тутуу инженерин үөрэбэр киирбитим уонна бу үөрэҕи 1984 сыллаахха этэннэ бүтэрэн, тутуу инженерин идэтин ылбытым», — дьэ илэтин талбытын туһунан кэпсиэр.

Алексей бу талан ылбыт идэтинэн 1984 сылтан төрөөбүт дойдутугар, Мэнэ Хангаласка өр сылларга тутууга олус ситиһилээхтик уонна тахсылаахтык үлэлээбитэ. Улууһугар барыта 16 тутууну үлэҕэ киллэрбитэ, Амма улууһугар — 4, Чурапчы улууһугар — 4, Орто-Хальмаҕа — 16 объект, барыта 40 улахан объекты тутан үлэҕэ киллэрбитэ. Бу барыта улахан суолталаах тутуулар этилэр: толору хааччылыылаах аныгы дьэтир, оскуолалар, оҕо дьэтир, кулууптар, фермалар о. д. а.

Өр сылларга олоһун спорт эйгэтигэр анаан, улахан ситиһилэрин иһин уонна Сахагын сиригэр сайдарын туһугар таһаарылаахтык, энкилэ суох үлэлээбитин сыаналаан, Саха Өрөспүүбүлүкэтин Президентэ бэйэтин Бочуотунай грамотатынан наҕараадалаабыта. Алексей Романович Мэнэ-Хангалас улууһун Доллу нэһилигэ сайдытыгар, билигин бириэмэҕэ салайар үлэҕэ бэйэтин дьобурунан олук уурусуп, төрүттэрин үлэлэрин дьобурунаахтык салҕаабыт кийинэн буолар. Мэнэ-Хангалас улууһун Бочуотун кинигэтигэр киллэриллибитэ, Доллу уонна Төнүлү нэһиликтэрин бочуоттаах олохтооҕо, Саха Өрөспүүбүлүкэтин тутууга бочуоттаах тутуучу, Орто Хальма улууһун Сватгай уонна Алыка-Күөл нэһиликтэрин бочуоттаах олохтооҕо.

Доһорбут Алексей Романович үлэ-хамнас үөһүгэр урукку эрчимнээх тэтимин ыһыктыбакка, элбэх былааннаах сүүрү-көтө сылдьар.

Биһиги, Өлүөскэни кытта Чурапчы интэринээт-оскуолатыгар биир кылааска үөрэммит доһотторо, кини улахан ситиһилэринэн кизэн туттабыт уонна уолбутугар эдэрдии тэтимин ыһыктыбакка, эрчимнээхтик сылдьан, уһун дьоллоох олоһу олохторугар баҕарабыт!

**Дмитрий ЕГОРОВ,**  
СӨ наукатын уонна  
үрдүк үөрэхтээһинин  
бочуоттаах үлэһитэ,  
СӨ үөрэҕириттин туйгуна.



ахтан, санаан аастахха

# Маннайгы көлүөнэ тустууктар ыллыктара

**Н**иколай Николаевич Волков Москвагаабы үрдүкү тренерскэй оскуоланы бүтэрбит дипломнаах, сахалартан бастакы тустуу тренэрэ, тустуу аҕата, профессора, дипломата буолар. Кинилиин биригэ алтыспыт буолан, бэрт элбэби истибитим уонна билбитим.


Биримэ баран истэбин айы маннайгы көлүөнэ тустууктар тренердэрэ: Иван Морозов, Арташес Карапетян, Василий Румянцев, Илья Павлов, Николай Давыдов, Семен Зедгенидзе, Кирилл Григорьев, ону тэнэ улахан тустууга суолу аспыт, номоххо кирибит инники көлүөнэ тустууктар сыйыа-бааһа ахтылыбат буолан бардылар. «Уруккубутун билбэт буоллахпытына билиннибит суох, билиннибит суох буоллабына инникибит суох» диир өс хоһооно баар. Онон Н.Н. Волков кэпсээниттэн, кылгас соҕус да буоллар, инники көлүөнэ тустууктар ситиһилэрин сырдатары сөптөөбүнэн ааҕабын.

1959 с. Ленинград куоракка Арассыыйа норуоттарын II спартакиадата буолбута. Онон сахалартан бастакынан Н.Н. Волков судьуйаһы чыскэ тиксибитэ. Манна кыттыбыттар: Николай Гоголев (52 кг), Сергей Иванов (57 кг), Владимир Варламов (62 кг), Дмитрий Данилов (73 кг), Василий Румянцев (87 кг).

Николай Гоголев үс кинини утуу-субуу хотон полуфиналга тийэр. 4 киһи хаалар, ол иһигэр оччолорго 1-кы разрядтаах, кэлин аан дойду 5 төгүллээх чемпиона буолбут Али Алиев баара. Николай сэрибэй быһытынан Сойууска биллэр Арассыыйа чемпионо Асхат Шайхутдиновы кытта тустар. Оччолорго тустуу 12 мүн. уонна хайаан да партердаах тустуу хапсыһыта икки өртүтүн кириилээх тахсылаах буолар. Биһиги бөбөспүт Асхаты икки атабыттан хабан ылаат, өрө кулаһачытан таһааран, көбүргэ муостаппакка да лаппаактыгар уураар. Утарылаһааччы киитэрэйдээн, албыннаан дөйбүтэ буолан хаалар, айдаан бөбө буолар. Асхаты биһиги киһибит төбөтүнэн быарга охсон унна диир быһаараннар, Гоголевы устан кэбиһэллэр. Ити күрэхтэһиигэ Гоголев балылыбатаҕа буоллар, бастыан сөп эбит. Ол оннугар 1962 с. Гоголев итэҕэтиилээхтик сахалартан бастакы Арассыыйа чемпионо буолар.

Ити күрэхтэһиигэ Дмитрий Данилов Арассыыйа чемпионо Тотрову (Хотугу Осетия), Цокаевы (Омская) тэбэн түһэртээн, лаппаактарыгар ууран элбэхтэри соһутар. Ити сыл «Труд» общество киин сэбиэтин күрэхтэһиигэр 3-с миестэ буолан, сахалартан аан маннай спорт маастара буолар.

1961 с. ССРС чемпионатыгар Таллин уонна Минскэй куораттарга 7 саха уолатара кытталлар. Хамаанданы Н.Н. Волков салайан илдьэр. Барыларыттан ордук Дмитрий Данилов тустар. Кини Сойуус чемпиона Владимир Горбатенкоһун, Сойуус призера Коханы (Эстония) кытта тэннээр.



Уолаттар Арассыыйа көбүөрүгэр тэннэ анһыһар буолбуттара көстөр. 1962 с. Семен Дмитриев ССРС чемпионатыгар төрдүс миестэ буолар. Ити сыл Н. Гоголев, А. Захаров, Э. Гегеев Арассыыйа чемпионнара уонна призера буолаллар. Итинтэн ыла саха уолаттара аан дойду көбүөрүгэр тахсан бараллар.

Аан маннай 1963 с. Махачкалаҕа Николай Гоголев, Алквяд Иванов РСФСР хамаандатыгар кирисэн, Иран пехлеваннарын кытта тустубуттара. Антон 1964 с. РСФСР хамаандатыгар кирисэн, Монголияҕа тустубуттара. Хамаандаҕа Алквяд Иванов, Петр Алексеев, Елкан Тедеев, Юрий Шахмурадов, Юрий Аветисян, Курбан Агаев, Бимбулат Дзуцев, Геннадий Андиев кирибиттэр. Бу күрэхтэһиигэ Н.Н. Волков тренер уонна судьуйа быһытынан тахсыбыта.

1964 с. сайынгар Н.Н. Волковтаах туруорсан, Арассыыйа чемпионата Саха сиригэр буолбутугар — түөрт чемпион, түөрт призер пьедесталга тахсыбыттар. Ити сыл Н.Н. Волков аан дойду студентнарын

чемпионатыгар Болгарияҕа саха түөрт уолун илдьэ тахсар. Николай Захаров иккис, Константин Леонтьев үһүс буолаллар.

1966 с. аан дойду кыра чемпионатыгар аан маннай Тбилиситэҕи норуоттар икки ардыларынааҕы турнирга Н.Н. Волков Сойуус старшай тренерэ Дякиннааҕы кытта быһа кэпсэтэн, түөрт саха уолун илдьэ тахсар. Грузиннары кытта сыһыан олохтуур сылтан, муоска толору ханнаах кутан биэрбиттэрин, тост этэн баран, түгэбэр диэри түһэрэн кэспит уонна охтон түспүтэ үһү диир номох баар. Онтон ыла

Биһиги инники көлүөнэ тустууктарбытын ырытан көрбүппүт, манлык хартыына буолан таҕыста:

— **Максим Сибиряков** нуучча тылын учуутала, республикаҕа биллэр-көстөр партийнай деятель. Түөрт оройуонна райком 1-кы сэкирэтэринэн үлэлээбитэ, норуот хаһаайыстыбатын үтүөлээх үлэһитэ, үс уордьаннаах, 89 сааһыгар диэри олоһунта, бүтэһик күннэригэр диэри хаһыаттарга сүрдээх проблемнай ыстагыалары суруйар этэ.

— **Николай Гоголев** сахалартан Арассыыйа маннайгы чемпионо, устуоруйа били-

— **Дмитрий Данилов** сахалартан маннайгы спорт маастара, үөрэҕири министригэ тын ытыктабыллаах үлэһитэ, тутаах дуоһунастарга үлэлээн сылдыбыта. Дирин ис культуралаах, духовнай баайдаах интеллигент киһи этэ.

— **Петр Попов** Советскай Союз биир саамай техникалаах тустууга, Арассыыйа, ССРС Сэбилэниилээх күүстэрин чемпионо. Райисполком, партком, райком сэкирэтээрдэринэн, спорт министригэ үлэлээбитэ. Харчытын-үбүн бэйэтэ булан, көңүл тустуу туһунан түөрт кинигэни таһааттарда. Тустуу бэтэрээнэрин бырабылыанньатын биир актыбынай чилиэнэ.

— **Николай Босиков** саамай талааннаах, тустуу ымпыгын-чымпыгын иһиттэн билэр, күн бүгүнүгэр диэри тэннээбэ суох радиокомментатор этэ. Биология билимин хандытаата, үгүс научнай үлэлэрэ интэриэһи тардаллара.

— **Владимир Варламов** өрөспүүбүлүкэ биир биллэр-көстөр, ытыктанар суруналыһа этэ.

Ити курдук, маннайгы көлүөнэ тустууктар уонна тренердэр Василий Румянцев, Николай Волков, Илья Павлов, Николай Давыдов уо.д.а. туһунан элбэби кэпсии туруоха сөп.

Билигин көбүргэ эрчийэ сылдар тренердэр Федот Соловьев, Иннокентий Кочкин бэтэрээннэргэ аан дойду чемпионнара буоланнар, бэйэлэринэн холобур биэрэллэр.

Билинни көлүөнэ тустууктар инники көлүөнэ тустууктар холобурдарыгар олобуран бэрээдэктээхтэр, үөрэххэ, билигэ дьулуһаллар. Күүстээх уонна техникалаах эрэ буолбакка, көбүргэ эр санаалаах, куттамат буолууга, кыайыыга дьулуһууга үөрэнэллэр. Сирдээх, чизинэй, эйэлээх буолууга тардыһаллар.

Улуу тренер Дмитрий Коркин ситиһинитин олура туохха этэй диир толкуй кириэр. Кини бэйэтэ баара-суоҕа бастакы разрядтаах тустуук этэ. Ситиһинтэ бэрээдэктэ, дьулуурдаах буолууга, билимгэ олобуура этэ. Саха сириин араас мунуктарыттан мэнник-тэник, бэрээдэктэринэн оччо ырааппатах оҕолор кэлэн тосту уларыан тахсаллара, Коркины ытыгылаан «Петрович» диир эр аагыыр буолаллара. Дмитрий Коркин научнай тэтэрээттэрэ өссө да ситэ үөрэтиллэ илктэр. Сордох өртүн ылан көрөр эбит буоллаһа, бэрээдэги уонна билиини бастатан туран ирдиир эбит.

**Макар ЯКОВЛЕВ,**  
ХИФУ бэрэпиэссэрэ,  
Саха сириин тустууга  
федерациятын бастакы  
президентэ.

грузиннарга олох ытыс үрдүгэр сылдыбыта эбитэ үһү. Бэйэтэ, ыйгыттаахха, мүчүк гынан баран, арыый сымнатан кэпсири этэ. Вячеслав Карпов, Петр Алексеев, Петр Попов улахан ситиһилээхтик тусталлар. Эдэр уолаттар: В. Карпов, А. Ермолаев, И. Федосеев, С. Морфунов, С. Макаров уо.д.а. Сойууска оҕолорго уонна эдэр уолаттарга чемпион буолбуттара.

1960-с сылларга Н.Н. Волков көбүлээһининэн Саха сириин хамаандата Дагестан хамаандатын кытта матчевай көрсүһүү онорон тураллар. Көрсүһүү 4:4 тэннэһинэн түмүктэммит. Кэлин мин ССРС көңүл тустууга федерациятын Президиумун чилиэнэ буола сылдьан, Дагестанга Союз күрэхтэһиигэр сырыттаһына, номох буолбут улуу тренер Дэги Багаев, Н.Н. Волкову итинтик ахтан эбэрдэ ыппыта. Биир дьикитэ диир, ол матчевай күрэхтэһиигэ Дагестан тустууктарыттан биир да киһи үрдүк үөрэбэ суох эбит. Биһиги тустууктарыт бары үрдүк үөрэхтээхтэр буолан биэрбиттэр.

мин хандытаата, историко-юридическай факультет маннайгы декана, СГУ проректора этэ.

— **Петр Гаврильев** геолого-минералогическай билим дуоктара, профессор, СӨ биир биллэр-көстөр учуонайа этэ. Научнай үлэлэрэ дойду уонна тас дойдулар сурунаалларыгар бэчээттэнэллэрэ, үрдүк сыанабылы ылаар.

— **Сергей Иванов** геолог, Үлэ Кыһыл Знамята уордьан кавалера, көмүс промышленноһун бэтэрээнэ этэ.

— **Николай Алексеев** физика-математика билимин хандытаата, ХИФУ профессора этэ. Көңүл тустуу талааннаах пропагандиһа. Кини аатынан Нам оройуонугар сыллата турнир буолар. Ол турнир кыайылаахтара Азия, Европа, аан дойду чемпионнара буолуоталабыттар.

— **Владимир Данилов** самбоҕа аҕам саастаахтарга аан дойду хас да төгүллээх чемпионо. Республикаҕа биллэр тойуксут, оһуоһа таһаарааччы. Хас да хоһоон кинигэлэрин ааптардара.